

Болгарт газриг усар тетклгън

СОФИЯ. (ТАСС). Олн-ämtнә Болгарт газриг усар тетклгънә тосхлтсин то джил ирвәс өсәд йовна. Сүл 12 джилин туршарт 12 ормд усн-токталс болн гидроузелмүд тосхгдв, газр усллгъна кесг систем кегдв. Терүнәс талдан, сүл зургъан джилин эргил, газр эдллгънә кōдлмшин кооперативсин селәдт усн токтдг 1.100 баахн-баахн бәәри кегдәд, 840 гар насосн станц тәвгдв.

Иим кōдлмш кегдснә ашд, услгддг газрин агъунь зōвәр икдв. Кемрджән үүнә агъу 1944 джил зугл 375 минъгън декар (декар—0,1 га) бәәсн болхла, ода 4200 минъгън декар кӯрв.

Газр усллгъна кōдлмш гурвдгч тавн джилд улм икәр кегдхмн, услгддг газрин агъу 1900 минъгън декар өскгдхәр хәләгдджәнә.